

Izvještaj o radu Uprave policije MUP-a Kantona Sarajevo za mjesec januar 2021. godine

KRIMINALITET

STATISTIČKI POKAZATELJI

U mjesecu januaru 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 382 događaja sa obilježjem krivičnog djela (što je 35 ili 8,4% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 176 ili 46,1% je evidentirano po poznatom izvršiocu, a 206 ili 53,9% po nepoznatom izvršiocu.

Od ukupno 206 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 47 ili 22,8% (što je za 2% manje u odnosu na uporedni mjesec) od čega je 14 evidentirano u mjesecu januaru, a 33 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 223 obavijesti (28 manje) o događajima u kojima je pričinjena neznatna materijalna šteta

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU JANUARU 2021/20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
JANUAR 2021. GODINE	382	176	206	47	33	213	10	129	96
JANUAR 2020. GODINE	417	179	238	59	28	207	6	114	81
<i>uporedba</i>	-35	-3	-32	-12	5	6	4	15	15
	-8,4%	-1,7%	-13,4%	-20,3%	17,9%	2,9%	66,7%	13,2%	18,5%

U toku mjeseca januara ove godine prijavljeno je 213 lica (šest više), 129 povratnika (15 više) (ili 60,6% od ukupnog broja prijavljenih lica), deset maloljetnika (četiri više), a 96 lica je lišeno slobode (15 više).

Za događaje sa obilježjem krivičnog djela, koji su evidentirani u mjesecu januaru 2021. godine, prema izjavama oštećenih lica, nastupila je materijalna šteta u ukupnom iznosu od 499.338,73 KM.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU JANUARU 2021/20. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a**

KZ FBiH-a i KZ BiH-a	JANUAR 2021. GODINE	JAN UAR 2020.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	22	15	7	46,7%	21	1	2	200%
Protiv slobode i prava čovjeka i građanina	25	20	5	25%	23	2	3	150%
Protiv spolne slobode i morala	3	4	-1	-25%	3	0	0	---
Protiv braka, porodice i mladeži	17	13	4	30,8%	17	0	0	---
Protiv zdravlja ljudi	29	42	-13	-31%	29	0	0	---
Protiv privrede	3	0	3	---	3	0	0	---
Protiv imovine	234	270	-36	-13,3%	44	190	39	20,5%
Protiv okoliša	0	1	-1	---	0	0	0	---
Protiv opće sigurnosti ljudi i imovine	15	5	10	200%	5	10	0	0%
Protiv sigurnosti javnog prometa	8	6	2	33,3%	8	0	0	---
Protiv pravosuđa	3	0	3	---	3	0	1	---
Protiv javnog reda i pravnog prometa	15	30	-15	-50%	12	3	2	66,7%
Protiv podmićivanja i kd protiv služb. i dr...	2	7	-5	-71,4%	2	0	0	---
Protiv sistema elektronske obrade podataka	1	0	1	---	1	0	0	---
ZONDINOIM-a (Sl.novine KS br.01/18)	5	4	1	25%	5	0	0	---
UKUPNO	382	417	-35	-8,4%	176	206	47	22,8%

U mjesecu januaru 2021. godine u odnosu na isti mjesec prethodne godine, zabilježeno je smanjenje broja registrovanih događaja sa obilježjem krivičnog djela za 35 ili 8,4%. Smanjenje je zabilježeno u oblastima protiv imovine (za 36 događaja), javnog reda i pravnog prometa (za 15), zdravlja ljudi (za 13), itd., dok je najznačajnije povećanje evidentirano u oblasti protiv opće sigurnosti ljudi i imovine (za deset) i života i tijela (za sedam događaja).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom januara 2021. godine evidentirana su 22 događaja sa obilježjem krivičnog djela iz oblasti protiv života i tijela (sedam više u odnosu na januar 2020. godine) i to 21 po poznatom i jedan po nepoznatom izvršiocu. Evidentirani su slijedeći događaji:

- ubistvo u pokušaju (član 166. KZ FBiH u vezi člana 28.) - jedan (jedan manje događaj),
- teška tjelesna ozljeda (član 172. KZ FBiH) – deset (sedam više),
- lahka tjelesna ozljeda (član 173. KZ FBiH) – 11 (dva više).

Nadležnom tužilaštvu podneseni su službeni izvještaji protiv 25 lica, od koji je 19 povratnika ili 76%, a 11 je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 25 događaja sa obilježjem krivičnog djela (pet više) i to: ugrožavanje sigurnosti – 23 i protupravno lišenje slobode – dva. U ovoj oblasti evidentirano 26 lica, od kojih je 16 povratnika (ili 61,5%), a pet je lišeno slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu januaru evidentirano je 17 događaja sa obilježjem krivičnog djela (četiri više) i to - nasilje u porodici – 16 i oduzimanje djeteta ili maloljetnika - jedan, za čije izvršenje je prijavljeno 17 lica, od kojih je osam povratnika (ili 47,1%), a devet lica je lišeno slobode.

PROTIV ZDRAVLJA LJUDI

Evidentirano je 29 događaj sa obilježjem krivičnog djela iz oblasti protiv zdravlja ljudi (13 manje) i to:
- neovlašćena proizvodnja i stavljanje u promet opojnih droga (čl. 238. KZ FBiH) – četiri,
- posjedovanje i omogućavanje uživanja opojnih droga (čl. 239. KZ FBiH) – 25 događaja.

Nadležnom tužilaštvu podneseni su službeni izvještaji protiv 28 lica, među kojima je 19 povratnika (ili 67,9%), a 18 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv četiri lica zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin", „Speed“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 24 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JANUARU 2021/20. GODINE

vrsta opojne droge	JANUAR 2021. godine	JANUAR 2020. godine
Marihuana (u gramima)	145,874	1.090
Marihuana (paketići)	34	10
Speed	701,883	1
Heroin (u gramima)	13	---
Hašiš (paketići)	---	1
Amfetamin (paketići)	---	2
Amfetamin (u gramima)	17,033	25
Cannabis (stabljike)	---	155
pribor sa ostacima droge	2	2

PROTIV IMOVINE

U ovom mjesecu, evidentirana su 234 događaja sa obilježjem krivičnog djela protiv imovine (44 po poznatom i 190 po nepoznatom izvršiocu) što je za 36 ili 13,3% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 93 (45 manje),
- krađa (član 286. KZ FBiH) – 72 (11 više),
- razbojništvo (član 289. KZ FBiH) – 31 (četiri manje),
- oštećenje tuđe stvari (član 293. KZ FBiH) – 16 (tri više),
- utaja (član 290. KZ FBiH) - četiri (jedan manje), itd.

Nadležnom tužilaštvu podneseni su službeni izvještaji protiv 64 lica, od kojih je 45 povratnika (ili 70,3%), a 26 je lišeno slobode.

Od ukupno 190 događaja evidentiranih po nepoznatom izvršiocu iz oblasti protiv imovine naknadno je rasvijetljeno 39 ili 20,5% što je za 2,2% manje u odnosu na januar 2020. godine.

Tokom mjeseca januara ove godine, prema objektima izvršenja teških krađa, 44 su izvršene u stambene objekte (13 manje u odnosu na uporedni mjesec), 18 u poslovne prostorije (jedna manje), 17 u motorna vozila (otuđenja motornih vozila i "provale" u ista) (13 manje), itd.

Takođe, evidentirana su četiri otuđenja motornih vozila.

Broj otuđenih motornih vozila, u odnosu na uporedni mjesec, smanjen je za sedam ili 63,6%.

Evidentirana su 72 događaja sa obilježjem krivičnog djela krađe (11 više) i to u poslovnim prostorijama – 28 puta, na ulici - 20, u stambenim objektima - 13, to u vozilima i na stajalištima GRAS-a - četiri, itd. odakle su otuđivani novčanici, mobiteli, prehrambeni proizvodi, cigarete, auto-dijelovi, itd.

Evidentirano je šest događaja sa obilježjem krivičnog djela teških krađa na naročito opasan ili naročito drzak način (13 manje), u kojima su izvršiocu, upotrebom fizičke snage (otimanjem i trganjem) otimali mobitele, nakit i tašne, a evidentirani su: četiri puta na ulici, u tramvaju i haustoru zgrade - po jednom. Nadležnom tužilaštvu podneseni su službeni izvještaji protiv jednog lica povratnika u činjenju krivičnih djela.

U mjesecu januaru ove godine evidentiran je 31 događaja sa obilježjem krivičnog djela razbojništva (četiri manje) i to na području slijedećih policijskih uprava: III PU – 12 (jedan više), II PU – šest (tri više), IV PU - šest (tri više), V PU – četiri (sedam manje), itd. Nadležnom tužilaštvu podneseni su službeni izvještaji protiv 11 lica, od kojih je osam povratnika, a šest lica je lišeno slobode.

Od ukupno 28 događaja razbojništva evidentiranih po nepoznatom izvršiocu, naknadno je rasvijetljeno 13 ili 46,4% (što je za 37,6% više u odnosu na uporedni mjesec).

Razbojništva su izvršena prijetnjom upotrebe vatrenog oružja - 14 puta, prijetnjom upotrebe noža ili drugog oštrog predmeta – 11 i upotrebom fizičke snage – šest puta, a počinjena su u poslovnim prostorijama – 16, na ulici, sportskim kladionicama i na benzinskim pumpama – po četiri i u apoteci – tri puta. Otudivan je novac, mobiteli, nakit i cigarete.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 15 događaja (deset više) - izazivanje opće opasnosti – 14 i teška krivična djela protiv opće sigurnosti ljudi i imovine – jedan događaj, a nadležnom tužilaštvu podneseni službeni izvještaji protiv šest koja su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru, pri čemu je u pet slučajeva otvorenim plamenom izazvan požar, pet puta je aktivirana nepoznata eksplozivna naprav i u četiri slučajeva je upotrijebljeno vatreno oružje. Posljedica izvršenja navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 15 događaja sa obilježjem krivičnog djela (15 manje) i to: nasilničko ponašanje - sedam, napad na službenu osobu u vršenju poslova sigurnosti - tri, nedozvoljeno držanje oružja ili eksplozivnih materija i krivotvorenje isprave – po dva i lažno predstavljanje – jedan događaj. Nadležnom tužilaštvu podneseni su službeni izvještaji protiv 20 lica od kojih je 11 povratnika (ili 55%), a deset je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu januaru 2021. godine evidentirano je 10 događaja sa obilježjem krivičnog djela, u kojima je učestvovalo 10 maloljetnih lica. U odnosu na isti mjesec 2020. godine povećan je broj maloljetnih lica za četiri ili 66,7%, dok je broj događaja sa obilježjem krivičnog djela povećan za tri ili 42,8%. Prijavljeni maloljetnici su u dobi od 14 do 16 godina – osam, od 16 do 18 godina – dva. Od ukupnog broja maloljetnika četiri su povratnika u izvršenju događaja sa obilježjem krivičnog djela.

STAROSNA DOB MALOLJETNIH LICA
JANUAR 2021/2020. GODINU

MJESEC	od 14 do 16 god.	od 16 do 18 god.	ukupno
januar 2021. godina	8	2	10
januar 2020. godina	3	3	6

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU JANUARU 2021/2020. GODINE

događaji sa obilježjem krivičnog djela (KZ FBiH)	januar 2021.	januar 2020.
Ubistvo u pokušaju	---	1
Teška tjelesna ozljeda	1	---
Lahka tjelesna ozljeda	3	---
Učestvovanje u tuči	---	1
Ugrožavanje sigurnosti	1	---
Neovlaštena proizvodnja i stavljanje u promet opojnih droga	1	---
Posjedovanje i omogućavanje uživanja opojnih droga	---	1
Krađa	---	1
Teška krađa	1	1
Razbojništvo	1	---
Razbojništvo u pokušaju	---	1
Nasilničko ponašanje	---	1
Teška krivična djela protiv sigurnosti javnog prometa	1	---
ZONDINOIM	1	---
UKUPNO	10	7

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca januara 2021. godine na području Kantona Sarajevo evidentiran je jedan događaj aktiviranja minsko-eksplozivnih sredstava (nije bilo u januaru 2020. godine) usljed čega je nastupila materijalna šteta. Preduzimaju se aktivnosti na rasvjetljavanju ovog događaja i pronalaženju učinilaca. U toku januara 2021. godine nije bilo evidentiranih slučajeva anonimnih dojava o postavljanju eksplozivne naprave (tri u januaru 2020. godine).

POŽARI

Tokom mjeseca januara 2021. godine, na području Kantona Sarajevo registrovano je 13 požara (12 manje u odnosu na isti mjesec prethodne godine), u kojima je jedno lice poginulo.

Prema statističkim pokazateljima, devet požara je izazvano namjerno, dva zbog tehničkih nedostataka, jedan nehatom, dok uzrok jednog požara spada u kategoriju ostalih.

Požari su registrovani u:

- Saobraćajnom sredstvu – šest puta,
- Stambenom objektu – tri,
- Ostalim objektima – četiri puta.

SAMOUBISTVA

U mjesecu januaru 2021. godine na području Kantona Sarajevo registrovana su četiri samoubistva (jedno više u odnosu na januar prošle godine) koja su izvršena: vješanjem - dva puta, upotrebom vatrenog oružja i skakanjem sa visine - po jednom.

Izvršioци su: tri osobe muškog i jedna osoba ženskog spola.

Muškarci su starosne dobi: 26, 69 i 76 godina, dok je žena strosi 44 godine.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je deset pištolja, jedna ručna bomba, jedna eksplozivna naprava, dva noža i 89 komada municije raznog kalibra. Tokom mjeseca januara ove godine fizičkim licima izdata su 134 odobrenja za nabavku vatrenog oružja i 112 oružnih listova.

JAVNI RED I MIR

U toku mjeseca januara 2021. godine u oblasti protiv javnog reda i mira evidentirano je 838 prekršaja (574 ili 217,4% više u odnosu na isti mjesec 2020. godine), a za izvršenje navedenih prekršaja prijavljeno je 845 lica (551 ili 187,4% više), od čega je 61 povratnik u činjenju prekršaja.

Zbog učinjenih prekršaja u oblasti protiv javnog reda i mira izdato je 800 naloga i podneseno je 38 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 817 prekršaja (ili 97,5%), a na prekršaje koji su utvrđeni Odlukom općinskih vijeća o javnom redu i miru 21 (ili 2,5%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (302), preko 36 godina (288), između 19 i 25 godina (252), i do 18 godina – tri učinioca.

Prilikom narušavanja javnog reda i mira u mjesecu januaru 2021. godine, nije bilo teže povrijeđenih lica (isto kao u januaru 2020. godine), dok je pet lica (isto kao i u januaru 2020. godine) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC JANUAR 2021/2020.GODINA

PREKRŠAJI IZ ZAKONA O JRIM:	JANUAR 2021.	JANUAR 2020.	+ - %
<i>-Tuče</i>	9	18	-9 ili 50%
<i>-Naročito drsko ponašanje</i>	26	49	-23 ili 46,9%
<i>-Odbijanje naređenja i omalovaž. pol. služb.</i>	77	22	+55 ili 250%
<i>-Prosjačenje</i>	121	92	+29 ili 31,5%
<i>-Svađa, vika, nepristojno ponašanje</i>	10	13	-3 ili 23,1%
<i>-Paljenje petardi</i>	2	3	-1 ili 33,3%
<i>-Uživanje opojne droge na javnom mjestu</i>	3	7	-4 ili 57,1%
<i>-Ostali prekršaji iz Zakona o JRiM</i>	569	35	+534 ili 1525,7%
Prekršaji prema Odluci općinskog vijeća o JRiM	21	25	-4 ili 16%
ukupno	838	264	+574 ili 217,4%

Iz tabelarnog pregleda vidljivo je, da je tokom mjeseca januara 2021. godine, u odnosu na januar prethodne godine prema strukturi povećan sljedeći broj prekršaja:

- ostali prekršaji za 534,
- odbijanje naređenja i omalovažavanje policijskih službenika za 55,
- prosjačenje za 29,

dok je smanjen broj prekršaja:

- naročito drskog ponašanja za 23,
- tuče za devet,
- svađa, vika, nepristojno ponašanje za pet,
- uživanje opojne droge na javnom mjestu za četiri,
- prekršaji koji su regulisani Odlukom općinskih vijeća za tri,
- paljenje petardi za jedan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima - 810, a znatno manje u trgovinama i zanatskim radnjama - četiri, trgovinama i zanatskim radnjama – jedan i na ostalim mjestima - 23 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC JANUAR 2021/2020. GODINE

MJESTO IZVRŠENJA	JANUAR 2021.	JANUAR 2020.	+ - %
Ugostiteljski objekti	4	13	-9 ili 69,2%
Ulice i drugi otvoreni prostori	810	229	+581 ili 253,7%
Sportski stadioni i dvorane	---	---	---
Vozila javnog saobraćaja	---	1	-1
Škole i školska dvorišta	---	4	-4
Trgovine i zanatske radnje	1	1	isti broj
Ostala mjesta	23	16	+7 ili 43,7%
UKUPNO	838	264	+574 ili 217,4%

U odnosu na isti mjesec 2020. godine, smanjen je broj prekršaja evidentiranih u ugostiteljskim objektima za devet, u školama i školskim dvorištima za četiri, u vozilima javnog saobraćaja za jedan, dok je broj prekršaja na ulicama i drugim otvorenim prostorima povećan za 581 i na ostalim mjestima za sedam. Broj prekršaja u trgovinama i zanatskim radnjama ostao je isti.

Na području Kantona Sarajevo u mjesecu januaru 2021. godine održan je 51 javni skup (112 ili 68,7% manje u odnosu na mjesec januar 2020. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u pet slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu januaru 2021. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom, sa nastradalim licima i broj povrijeđenih lica.

Registrovane su 634 saobraćajne nezgode (140 ili 18,1 % manje u odnosu na mjesec januar prethodne godine), od čega je 586 sa materijalnom štetom (129 ili 18 % manje) i 48 sa nastradalim licima (11 ili 18,6 % manje).

Tokom mjeseca januara 2021. godine u saobraćajnim nezgodama na području Kantona Sarajevo jedno lice je poginulo (u istom mjesecu prošle godine nije bilo poginulih lica), dok je 56 lica povrijeđeno 23 ili 29,1 % manje), od čega devet teže i 47 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC JANUAR 2021./20. GODINA

	JANUAR 2021.	JANUAR 2020.	+, -, %
UKUPNO SAOBRAĆAJNIH NEZGODA	634	774	-140 ili 18,1 %
Saobraćajne nezgode sa nastradalim licima	48	59	- 11 ili 18,6 %
Saobraćajne nezgode sa materijalnom štetom	586	715	- 129 ili 18 %
POGINULO LICA	1	0	+ 1
- vozači	0	0	-----
-putnici	0	0	-----
- pješaci	1	0	+ 1
POVRIJEĐENO LICA	56	79	- 23 ili 29,1 %
- vozači	23	37	- 14 ili 37,8 %
- putnici	13	26	- 13 ili 50 %
- pješaci	20	16	+ 4 ili 25 %

U naselju je registrovano 587 saobraćajna nezgoda (jedna sa poginulim, 44 sa povrijeđenim licima i 542 sa materijalnom štetom), van naselja 47 nezgoda (tri sa povrijeđenim licima i 44 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU JANUARU 2021. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	8	36	542	587	1	8	45
van naselja	0	1	2	44	47	0	1	2
UKUPNO	1	9	38	586	634	1	9	47

Prema kategoriji puta, najveći broj saobraćajnih nezgoda registrovan je:

- na ulicama u naselju - 390 nezgoda u kojima je 29 lica nastradalo (jedno lice poginulo, 28 lica povrijeđeno, sedam teže i 21. lakše),
- na magistralnim putevima - 83 nezgode (15 lica povrijeđeno, jedno teže i 14 lakše),
- na regionalnim putevima - 52 (pet lica povrijeđeno, jedno teže i četiri lakše),
- na lokalnim putevima - 31 (dva lica lakše povrijeđena),
- na putevima koji se ubrajaju u kategoriju ostalih - 78 saobraćajnih nezgoda (šest lica lakše povrijeđeno).

POSLJEDICE SAOBRAĆAJNIH NEZGODA

Tokom mjeseca januara 2021. godine, u saobraćajnim nezgodama na području Kantona Sarajevo nastradalo je ukupno 57 lica (22 ili 27,8 % manje). Jedno lice je poginulo¹, (u istom mjesecu prošle

godine nije bilo poginulih lica), dok je 56 lica povrijeđeno (23 ili 29,1 % manje), od čega devet teže (jedno lice ili 12,5 % više) i 47 lakše (24 ili 33,8 % manje).

STEPEN POVREDA UČESNIKA U SAOBRAĆAJNIM NEZGODAMA

- Vozači :
23 vozača su povrijeđena: jedan teže i 22 lakše
- Putnici:
13 putnika je povrijeđeno: dva teže i 11 lakše
- Pješaci:
20 pješaka je povrijeđeno: šest teže i 14 lakše

Starosna dob nastradalih lica u saobraćajnim nezgodama je slijedeća:

- ispod 6 godina - jedno lice,
- od 6 do 17 godina - pet,
- od 18 do 24 godine - šest,
- od 25 do 30 godina - devet,
- od 31 do 40 godina - osam,
- od 41 do 50 godina - 11,
- od 51 do 65 godina - osam,
- 66 i više godina - šest,
- nepoznata starosna dob – tri lica.

Starosna dob nastradalih vozača u saobraćajnim nezgodama je slijedeća:

- od 18 do 30 godina - 12 lica,
- od 30 do 40 godina - pet,
- od 40 do 50 godina - tri,
- od 50 do 60 godina - tri lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 510 (jedno lice poginulo, 43 lica povrijeđena, devet teže i 34 lakše),
- neprilagođena brzina - 119 (13 lica lakše povrijeđeno),
- klizav put - tri (bez nastradalih lica),
- uticaj alkohola - dvije nezgode (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca januara 2021. godine, policijski službenici Uprave policije MUP-a Kantona Sarajevo kontrolisali su:

- 14.637 vozila i vozača (5.839 manje),
- 4.673 lica u vozilima (98 manje),
- pregledali 171. vozilo (29 manje) i 132 lica u vozilima (65 manje).

Zbog tehničke neispravnosti iz saobraćaja je isključeno 39 vozila (29 manje), 133 vozača su zatečena da upravljaju vozilom pod dejstvom alkohola (201 manje), 219 bez korištenja sigurnosnog pojasa (398 manje), 157 bez položenog vozačkog ispita (36 manje), 57 pod izrečenom zaštitnom mjerom

(25 manje), 266 vozača je zatečeno da koriste mobitel tokom vožnje (123 manje) i 153 vozila koja su učestvovala u saobraćaju bez važeće registracije (1.064 manje).

Zbog kršenja propisa iz oblasti sigurnosti saobraćaja uručeno je 11.969 prekršajnih naloga vozačima (9.318 ili 43,8 % manje u odnosu na mjesec januar prošle godine) i podneseno 156 zahtjeva za pokretanje prekršajnog postupka (131 ili 45,6 % manje).

MIRUJUĆI SAOBRAĆAJ I KONTROLA PJEŠAKA

Policijski službenicu su tokom mjeseca januara 2021. godine provodili aktivnosti u pogledu saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 7.027 prekršajnih naloga (580 manje), upozoreno 235 vozača (32 manje), a specijalnim vozilom "pauk" premješteno je 87 vozila (314 manje).

Takođe, pješacima koji su kršili propise uručeno je 136 prekršajnih naloga (102 manje), a upozoreno je 25 pješaka (33 manje).

ZAKONITOST U RADU

Tokom mjeseca januara 2021. godine, registrovana su dva grupna napada (isti broj) na policijske službenike Uprave policije MUP-a Kantona Sarajevo. Napadi su izvršeni u migranstkome centru Blažuj od strane velikog broja lica i tom prilikom su osim oštećenja sužbenih vozila dva policijska službenika lakše povrijeđena.

Policijski službenici Uprave policije su u mjesecu januaru 2021. godine u tri slučaja opravdano upotrijebili silu (tri manje):

Tokom izvještajnog mjeseca, razmatrane su 22 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 17 predavki (12 više) provede unutrašnja istraga, za tri predstavke je odlučeno da se izvrše provjere i prikupi dokumentacija, a za dvije da su neosnovane.

Od ukupno 22 razmatrane predstavke, osam je podneseno od strane građana, a 14 predavki predstavljaju saznanja iz službe.

Okončano je 19 unutrašnjih istraga, među kojima je osam neosnovanih, četiri istrage su osnovane, četiri su bile bez dovoljno dokaza, dvije su okončane ocjenom oslobađajuća, dok je u jednom slučaju stranka odustala od žalbe.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Zbog zimskog raspusta nisu organizovane edukativne radionice školama, koje ce biti nastavljene u drugom polugodištu tekuće godine.

Po pitanju koordinacije Rada policije u zajednici s vladinim i nevladinim organizacijama kao i implementacije javnih kampanja sa ciljem podizanja svijesti građana o važnosti jačanja partnerskog odnosa između policije i lokalne zajednice, realizovane su slijedeće aktivnosti:

- Učestvovanje na Okruglom stolu Koordinacionog tijela za prevenciju, zaštitu i borbu protiv nasilja u porodici na temu „Multisektorska saradnja Kantona Sarajevo – iskustva i izazovi epidemije“, u organizaciji NVO Fondacije lokalne demokratije. Okruglom stolu su prisustvovali i predstavnici brojnih kantonalnih institucija: JU kantonalnog Centra za socijalni rad, Ministarstva zdravstva, Hitne pomoći, Tužilaštva K.S., kao i Kriznog štaba FBiH, „Sigurne kuće“ i predstavnika osoba sa invaliditetom,
- Prezentovan je program „Socijalizacija s pravom“, kroz učešće u televizijskoj emisiji „Polis“, u okviru projekta „TV SA mladima“, a koji po pitanju prevencije maloljetničkog prijestupništva predstavlja nastavak saradnje policije sa Ministarstvom za obrazovanje, nauku i mlade Kantona Sarajevo i nevladine organizacije „PH International“,
- Prisustvovanje i osiguranje održavanja ski-takmičenja na Babinom dolu za 80 dječaka i djevojčica u disciplinama „slalom“ i „veleslalom“, u organizaciji skijaškog kluba „Bjelašnica“.

Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, čime su preventivno djelovali na pojavu narušavanja javnog reda i mira prosjačenjem kao i činjenja krivičnih djela.

Preduzimate su aktivnosti, mjere i radnje, vezane za pandemiju „Koronavirusa“ (COVID-19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja.

Kontinuirano je vršen obilazak ugostiteljskih objekata u cilju kontrolisanja ograničenja rada istih.

Vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakta sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 3.983 migranata.

U mjesecu januaru 2021. godine migranti su učestvovali u 17 događaja sa obilježjem krivičnog djela i to:

- Teška tjelesna ozljeda (čl. 172 KZ FBiH) – jedan,
- Lahka tjelesna ozljeda (čl. 173 KZ FBiH) – tri,
- Silovanje u pokušaju (čl. 203 u vezi člana 28. KZ FBiH) – jedan,
- Posjedovanje i omogućavanje uživanja opojnih droga (čl.239 KZ FBiH-a) – jedan,
- Krađa (čl. 286 KZ FBiH) – dva,
- Teška krađa na naročito opasan ili naročito drzak način (čl.287. st.1 tač. b) KZ FBiH) – jedan,
- Razbojništvo (čl. 289 KZ FBiH) – dva,
- Oštećenje tuđe stvari (čl. 293. KZ FBiH-a) – tri,
- Izazivanje opće opasnosti (čl. 323. KZ FBiH) – jedan,
- Sprečavanje službene osobe u vršenju službene radnje (čl.358 KZ FBiH) – jedan i
- Napad na službenu osobu u vršenju poslova sigurnosti (čl.359 KZ FBiH) – jedan događaj.

Tokom mjeseca januara 2021. godine, službenici policije proveli su dvije akcije, kontrolisali su 3.104 migranata, od čega 45 nije posjedovalo registracijski obrazac, 31 je predat službi za poslove sa

strancima radi registracije i 68 migranata je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC JANUAR 2021. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	3.983
UKUPAN BROJ KONTROLISANIH MIGRANATA	3.104
BROJ MIGRANATA LIŠENIH SLOBODE	10
BROJ KRIVIČNIH DJELA POČINJENIH OD STRANE MIGRANATA	16
BROJ PREKRŠAJA POČINJENIH OD STRANE MIGRANATA	1
BROJ INCIDENATA POČINJENIH OD STRANE MIGRANATA	8
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	2
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	90

Sarajevo, 11.02.2021. godine

Odjeljenje za odnose s javnošću